

T.

6.

D E
P E S T E
VIENNENSI

DISSERTATIO

H A B I T A

IN PATAVINO GYMNASIO

Die 20 Novembris 1713

A

BERNARDINO RAMAZZINI

Practicæ Medicinæ

PROFESSORE PRIMARIO.



PATAVII, MDCCXIII.

Apud Jo: Baptistam Konzattum.

SVPERIORVM PERMISSV.

THE HISTORY OF THE CITY OF BOSTON

FROM THE FIRST SETTLEMENT
TO THE PRESENT TIME

BY
JOHN H. COLEMAN

~~THE HISTORY OF THE~~

OF THE CITY OF BOSTON

FROM THE FIRST SETTLEMENT
TO THE PRESENT TIME

BY
JOHN H. COLEMAN

Illustrissimis, & Excellentissimis D.D.

PATAVINI GYMNASII
MODERATORIBUS

D. FRANCISCO LAUREDANO
Equiti, ac D. Marci Procuratori.

D. JOANNI FRANCISCO
MAUROCENO Equiti.

D. ALOYSIO PISANO
Equiti, ac D. Marci Procuratori.

BERNARDINUS RAMAZZINI
FELICITATEM.



*I munera, ut ut vulga-
ria, apud eos quibus
offeruntur satis gratia dicuntur habere,
si tempestiva sint ac opportuna, Dissert.*
A 2 ta-

tationem hanc meam quam de Peste
Viennensi in Lyceo nuper habui, favo-
rem vestrum promerituram esse confi-
do, Illustrissimi & Excellentissimi Pa-
tavini Atbanei MODERATORES.
Cum enim Excellentissimum SENATUM
VENETUM viderem nulla graviore cu-
ra premi, quam ut à finibus sue Ditio-
nis, quantum humanis viribus datum,
Pestem arceat per Germaniam divagantem,
rem non ingratam, nec inutilem facturum
me credidi, si de illa verba facerem,
ac aliis incitamento essem ad evolvenda
ea, quæ extant de hoc malo omnium
pessimo, *Scriptorum monumenta*. Etenim
cum Pestis non sit omnium annorum mor-
bus, uti febres, & alii particulares affe-
ctus, sed longa plerumque interlabantur
tempora, interdum etiam integra secula,
ut nulla occurrat pestilentia, non raro fit
ut si ex improvviso pestifer aliquis mor-
bus caput exerat, Medici, quorum præ-
cipuum studium circa eos morbos versa-
tur, qui annum quæstuosum reddunt, ea
in

*in re novi sunt ac hospites , unde postea
graves inter ipsos oriantur disceptationes
non sine Artis dedecore . Dissertationem
banc itaque meam , qualiscunque ea sit ,
in obsequii argumentam Amplissimis No-
minibus Vestris dicatam volui Illustrissimi
& Excellentissimi VIRI. Ita Vos ad pu-
blicam literarum felicitatem sospitet Deus
Optimus Maximus , detque diu ac pluri-
mum valere .*

Patavii Die 15. Decembris 1713.

[illegible]

1950-1951



Unquam sanè A. O. ex quo in hoc Celeberrimo Lyceo profiteri mihi datum, tam gravi curarum æstu laborasse me fateor, quàm hujus Anni Scholastici accedente principio, mecum scilicet reputans, quàm imparatus in hac solenni Studiorum instauratione Cathedram hanc essem conscensurus, exqua aliàs me non omninò illaudatum descendisse memineram. Cum hactenus mihi pro more fuerit quotannis Oratione aliqua Patriæ argumenti proludere, idem quoque hoc Anno facturum mihi blandiebar, sed nescio quo fato per totam Ætatem, præsertim Procyone furente, mihi cum meis malis luctandum fuit, nec sine metu num essem evasurus, idcirco aliæ mihi fuere curæ, alia sollicitudo, quàm de Oratione constanda. Impetratis tandem favente Deo à morbo induciis, mihi tamèn semper infidis, seriò cogitare coepi de Ar-

A 4 gu

gumento aliquo feligendo , quod expectationem vestram non omnino falleret , nec mihi laborem redderet injucundum . Mente igitur per amœniora Medicinæ loca discurrens , attentè perquisivi , num quidquam reperire possem , quod votis responderet ; sed nescio quomodo cuncta mihi sicca , & squallida apparebant , si enim veteres Medicinæ Artis campos pervagabar , nihil novi occurrebat , quod in antehabitis Orationibus non pertractassem , aut saltem non delibassem ; si verò Recentiorum culta Novalia perlustrabam , non nisi minuta seges sese offerrebat , sic quasi desperans quidquam esse me reperturum , quod genio satisfaceret , non parum animo angebar , dum interim viderem inutiliter labi dies , & rem ad ultimum vacationum mensem deductam . Ne itaque frustrante diligentia , animi & corporis vires simul attererem , ad curiosorum pabulum divertì , ad legenda nimirum novarum rerum in Europa gestarum commentaria , singulis hebdomadis ad nos deferri solita , quæ dum legerem , animo tamen composito , & nullo partium studio infatuatus , mecum ipse contemplabar , num post tam magnas rerum vicissitudines , quas paucorum annorum spatio vidimus , & mirabuntur posteri ullo unquam
li-

9
libramento res ita componi possent, ut solidam, ac duraturam pacem sperare liceret; sed in hoc rerum statu obfirmatis utrinque animis ad fortunam armorum experiundam, inanem omnino hujusmodi spem agnoscebam; potissimum autem Galliae prosperitatem admirabar, quæ antea tot cladibus afflicta, ut pacem videretur deposcere, modò in eam fortunam sit erecta, ut belli & pacis jura, si quæ sunt, potius administrare velle, quàm accipere videatur. Nec minori admirationi erat Anglia, quæ licet toto Orbe divisa eò venerit, ut pro lubitu Orbem dividat, Regnorum facta dispensatrix. Ubi verò ad acta Germaniæ ventum est, cum primùm audivi Viennæ adhuc Pestem grassari, tunc veluti è gravi somno excitus, en quomodo, mecum dixi, mihi aliud agenti, præ manibus nascitur quod tam anxie quæsieram dicendi argumentum? Quid Auditorum meorum attentione dignius optare poteram, si id ipsum est, quod à SERENISSIMO PRINCIPE, quod ab AUGUSTISSIMO SENATU tantam exigit animi attentionem, cogitationem, ac vigilantiam, ne Italas oras tam dira lues incestat? Puduit, fateor, A. O. quòd tam læva mens mihi fuerit, ut ad ea, quæ de hujus morbi principio, & progressu

gressu pluries legeram , ac alios differentes audieram , tam serò adverterim , si enim attentior fuisset , paulò paratior huc forsàn accessisset ; mihi enim , nec in robustiori etiam ætate , licuit esse tam beatum , ut quæ mente conciperem , tam citò conformare possem , nunc autem multò minus mihi senî jam factò ; pro viribus tamen contendam de hujus Febris natura , ac indole notionem aliquam tradere , ut si unquam ad fines nostros (quod omen despuo) ausit accedere , nec novus , nec ignotus hostis accedat . Hæc ergo purpurata Febris , maligna Myloptoca , mihi hodierna luce proprium , & opportunum erit dicendi Argumentum .

Mirabitur fortè quispiam cur purpuratam hanc Febrem novo , & insolito vocabulo Myloptocam dixerim , non potius acheronticam furiarum de genere progeneratam ; ast is sciat me appositè hac voce usum fuisse , ut illius indolem , ac mores designarem , hæc enim Febris in miseram , & egenam plebem peculiari odio desæviit , in hanc ferinam , rabiem est depasta . Nequè id novum est , nec par prodigio habendum ; annotavit hoc olim magnus Hippocrates acuratissimus rerum omnium Observator , in Libris enim Epidemiorum mentionem habet de morbo quodam , qui solos servos , & ancillas malè ple-

plecteret, intactis Proceribus, Ingenuisque omnibus. In iisdem quoque Libris morboſi affectus memorantur, qui Artifices quosdam, Fullones dictos, plebejum hominum genus emaculandis vestibus addictum graviter infestarent. Mihi quoque olim in Mutinensi Agro observare contigit Ruralem Febrium tertianarum Epidemiam, in qua omnes ferè Rustici eodem tempore decumbebant, sana ac integra Civitate; sequenti verò anno alteram Febrium Epidemiam, quæ solos Urbanos afflixit, Rusticana Gente benè valere permilla. Memoratu quoque dignum est quod refert Cardanus de Peste Basilienſi, quæ Urbem illant Civibus penè depopulata est, Italos verò, Hispanos, & alios quoscunque nationis exterae, qui tunc aderant, haud quaquam attigit. Hanc nimirum habent Epidemici Morbi naturam, ut eos, quibus eadem humorum prava diathesis, quæcunque sit causa, sive ab aere, sive ab aquis, aut alimentis vitiatis ortum habuerint, facili negotio corripiant. Scio equidem in communibus populorum ærumnis, Plebem cujus major, quàm Civium est numerus, eam esse quæ graviora sustineat pondera, scire tamen licet minutam plebem ob inopiam pessimo victu nutrirī solere, ideòque in locis ubi Pests caput exerat, ob

humorum corruptelam ad luem concipien-
dam magis idoneam esse quam coeteros.
Pestis ac Fames, seu necessitas utendi pessi-
mis cibariis ob inopiam, apud Græcos ea-
dem voce appellantur, per solam Diphton-
gum distinctæ; λοιμός enim Pestem signifi-
cat, λιμός Famem ut aliquando Fames so-
lius Pestis fuerit productum.

Non abs re igitur Febrem hanc in Vien-
næ Suburbiiis apud plebejos hospitantem,
Mysoptocam dixi, quæ nimirum in hisce
infimæ sortis hominibus suam ingluviem de-
pascat, illi tamen fidere non oportet, ut
postquam hoc cibi genere satura fuerit,
meliozem escam aliquando non appetat.
Licet enim humanitatis aliquid habere visa
fuerit, ad Urbis interiora haud quaquam
accedere ausa, forsitan Sacram ~~Cæsaream~~
Majestatem Caroli VI. reverita, ab illa
tamen cavendum tanquam hoste vaterrimo,
cui proprium est per insidias humanum
genus ad internecionem usque adoriri. Non
sum nescius ab initio de hujus Febris genesi
ac indole in Foro Medico fuisse disceptatum,
sed hujusmodi lites ipsamet citò diremit,
purpura enim posita, nigram vestem in-
duens, sat claris indiciis qualis revera ea
esset se prodidit. Quid enim peticulæ è
purpureo in atrum colorem permutatæ
quid

quid anthracēs h. e. carbunculi , quid vibices , & liventes maculæ , quid bubones , aliaque characteristica fontici morbi , & necroseos signa indicare poterant , quàm Febrem de pestilentium genere ab Orco in terras projectam ?

Mirum est sanè A. O. si Scriptorum monumenta evolvere placeat , mirum est inquam , unde fiat , quòd Pestis quæcunque in primo sui exortu tot Fautores , & Patronos habeat , & quod magis mirandum , ipsos quoque Medicos , donec pedem fixerit . Infortunium hujusmodi experta est olim Adriæ Regina Civitas , quæ , ut refert Riccobonus in Gymnasio Patavino , Anno septuagesimo sexto supra sexquimillesimum post graves contentiones inter Medicos , num Febris , quæ popularitèr cum strage non modica vagabatur pestilens esset , nec ne , acciri jussit Capivacium , & Mercurialem Clarissimos in Patavino Gymnasio Professores , qui cum Febrem illam à pestilentium crimine absolvere tentassent , Patavium postea redire coacti , ut evidenti periculo se subducerent . In ea quoque Peste , quæ anno præcedentis Seculi 29 , Cispadanam & Transpadanam Regionem devastavit , Mediolani eadem controversiæ inter Medicos auditæ , Doctissimo Septalio referente , qui cum apertè profi-

tere-

teretur pestiferum esse morbum ; aliis in
adversum ad ravim usque reclamantibus ,
hancque ob causam cum ingenuus Professor
malè audiret , parum absuit quin , ut ipse
met refert , à Plebe lapidibus obrueretur .
Cum igitur in hac Peste quæ modò Vien-
nam infestat nullus amplius sit disceptatio-
ni locus ; hujusce Mysoptocæ Febris simu-
lata pietas , & reverentia erga Viennenses
Cives despuenda , ac horrore cane pejus &
angue , ut dici solet , habenda . Agitur
enim de morbo qui citam mortem adfert ,
qui nulli remedium generi auscultat , qui
Urbem premit diuturna ac dira obsidione ,
Turcica longè peiori , contra quam armis
pugnari saltem poterat , & à foederatis Prin-
cipibus , uti postea evenit , auxilium aliquod
opperiri ; at contra ~~pestiferum hunc~~ caco-
daemonem , non nisi votis ac precibus pu-
gnare licet ; non secus ac contra Dæmo-
nium illud quod Apostoli eicere non pote-
rant , de quo Salvator dixit , esse de illo-
rum genere , quæ non ciciuntur nisi Ora-
tione , & Jejunio .

Sed quid dicendum de hujus Febris pesti-
feræ ad argentes Aquilonis flatus ; & largum
nivium descensum subita mitescencia , ut
Viennensi Civitati spes non parva coeperit
albescere , quod morbus hic obsidionem de-
fere-

ferere quàm primum velit . Quid dicam , nisi quòd huic Urbi unico Christiani Orbis propugnaculo totus Mundus gratulabitur , gaudebitque si audiat Febrem hanc inter nives torpescere , ut Phlegetontem , unde prodit , cogatur repetere . Hic autem pestilentiae mos esse consuevit , ut ad Anni tropas , h. e. ad utraque Solstitia , mutata insigniter aeris temperie , ipsa quoque mutationem aliquam subeat , sive in melius , sive in deterius ; ut plurimum tamen facilius mitescit cum aer à summo æstu ad frigidum transit , sic Cayri , teste Prospero Alpino , Pestis in summo fervore hominum vitas largè demetit , in primo autem Nili incremento ferociam deponit . Cum autem in æstivo Solstitio jam prægresso , Febris hæc suæ feritatis in miseram plebem acminè pertigerit , rationi non incongruum est spem concipere , quòd in proximo hyemali Solstitio , ad quod annus jam vergit , vel in malam crucem abeat , vel nivibus obruta omninò dispereat , eodem planè modo ac Anno 79 , exacti Seculi Pestis altera , quæ Viennam afflixit , æstate potissimum , die prima Novembris memoratur extincta , qualis dies etiamnum pro gratiarum actione liberata Urbis magna celebritate colitur . Huic præconceptæ spei tam prosperi eventus annuat

Su-

Superi , dentque ut Anno huic , Viennensi Civitati adeo nefasto , Annus candidior succedat .

Ast jam diu à Viennæ Suburbiis pestifer hic morbus quaquaversum longè latèque in varias Civitates sese effudit , ut Germaniam totam pervagari velle videatur , huc & illuc avolans tanta pernicitate , ut verè dici possit hoc esse *malum quo non aliud velocius ullum* , quod sua mobilitate magis vigeat , *viresque aquirat eundo* , ut de Fama Virgilius . ~~Nec verò terras solum peragrarè , & cuncta pro lubitu stragibus oppleri contentus est , jam Bakhicum navigare incipit piraticam quoque exercendi cupiditate flagrans , ut maritimi Prædonis congruum sibi adsciscat titulum .~~

~~Num autem pestifer hic morbus iis in locis , ac Civitatibus quas occupavit sub eodem adspectu purpuratæ Febris miseram & egenam plebem exerceat , ut in Viennæ Suburbiis , cum memoratis symptomatibus carbunculorum , & bubonum , an diverso poenarum genere , tam plebem , quàm Cives in libitinæ censum deducat , ignorare me fateor , cum hac de re nil certi habeatur ; hoc unum tamen scio , Pestem beluam esse multiformem , ac versipellem , cui nomina mille , mille nocendi artes , ut de~~
 Alc-

Aleſio Furiarum peſſima cecinit Poetarum Princeps . Peſtis enim morbus non eſt particularis , ſed univerſalis , excors , exlex , nullam categoriam agnoſcens , cum nulla adhuc poſt tot ſeculorum fluxum habeatur vera Peſtis Definitio , multò minus verum remedium . Peſtis ſiquidem cuilibet morbo , magno , parvo , cuiuſcunq; generis conſociare ſe pro more habet , ut facilius illudat , nam non ſolùm Febribus continuis , ſed etiam interpolatis ſociam ſe jungit ; Febrem quoque Ephemeram , quæ apud omnes ſecuriſſima audit , Peſtis ſuo contubernio infamem reddidit . In peſtilentibus conſtitutionibus obſervantur vagari non rarò particulares morbi , uti anginæ , pleuritides , peripneumonix ; diarrhææ , dyſenterix , ſed cum maniſeſtis virulentix notis . In Libris Epidemiorum Hippocrates Conſtitutionem , quandam refert , in qua , ut ipſe ait , *omnes ſuſtulit alui profluviũ* . Huc ſpectat Monitum illud ejuſdem Hippocratis , quo dicere ſolebat , obſervandum , *an ſit quid divinum in morbis* . Quid verò intelligendum ſit per iſtud *θεον* Divini Præceptoris , inter Medicos non ſatis convenit ; ſapientiores tamen judicant per Divinum iſtud nil aliud intelligi , niſi aliquod abditum , quod humanum ſupereſt captum , uti Fernelius de Abditis rerum cau-

causis , sed præ cœteris punctum forsan tu-
 lit Doctissimus Sennertus , qui divinum istud
 ad Febres Pestilentes referendum voluit .
 Pestis ergo morborum Proteus est sub va-
 riis adspectibus illudens , modò atra veste ,
 modò purpurea , modò polymita , ut in
 Febre Ungarica , apud Scriptores satis me-
 morata . In qualibet ergo constitutione ,
 in quocunque loco ac Civitate , in quam
 primò Pestis pedem intulerit , singularita-
 te semper aliqua distingui ac notari gau-
 det . ~~Pragam cum primum~~ , ut ex postre-
 mis literis accepimus , ingressa est Pestis ,
 in Hebræorum Septo hospitium sibi delegit ,
 ubi maximam dicitur edidisse stragem , My-
 soptocam naturam nondum forsan oblita ,
 plebs enim recutita ut plurimum misera est
 ac paupertina , cui ~~nimirum copiosius fo-~~
~~numque supellex~~ , pessimo victu nutriri soli-
 ta . Talis autem natio ad luem concipiendam ,
 eamque aliò asportandam propter emptitias
 vestes , præcipuum illius mercimonium , apta
 est , & hanc forsan ob causam , ut ex pu-
 blicis literis accepimus , in variis Germaniæ
 locis , ac præsertim apud Helvetios , He-
 braicæ Genti attestationum Sanitatis nul-
 lus est usus , sed huc & illuc vagari omni-
 nò interdictum .

At quorsum hæc inquiet aliquis , nisi ad
 pro-

prophylaxim à tam dira lue aliquod proponatur remedium & præcautio . Justa quidem sed rei perdifficilis postulatio , si in Pharmacopœorum Narthetiis , aut Chymicorum officinis quidquam esset , quod cunctis venenis posset obsistere , hoc verè illud esset , quod expetitur remedium ; talis est enim pestilentiae natura ac indoles , ut venenorum omnium sit compendium , & ut ita dicam extractum , ast hujusmodi alexicacon , quod cuncta venena perdomandi vim habeat , mente potius fingi , quam arte consari posse , facile crediderim . Num Theriaca , quæ cuicunque venenorum generi adversari creditur , ut pote ex tot simplicibus medicamentis de Alexiteriorum genere , ut excogitata luxuriæ compositio à Plinio dicta fuerit , num forsan istud quod exquiritur remedium esse possit , cuique liberum esto judicium . Ut quod sentio proferam , illud unicum perplacet , quod vulgò de tribus compositum appellatur , h. e. de celeri fuga à loco infecto ; de perfectione ad longinquas regiones , ac tarda reversione ; quo remedii genere sapientiores quoque Medici uti consuevere .

Quoad præcautiones quæ hisce in casibus humana solertia adhibere solet , eas provido consilio præoccupavit SERENISSIMUS

MUS SENATUS VENETUS , ubi enim primum de populari Febrium malignarum Epidemia , quæ Viennam infestaret , rumor Adriam pervasit , illicò plurima sanxit decreta , quibus jubebatur , ut terra , marique ad fines & loca suspecta mitterentur qui solitis cautionibus ad rem tanti momenti invigilarent ; item edixit , ut in singulis suæ Ditionis Civitatibus , & Oppidis Portis adstarent Cives , & Nobiliores Viri , ne cuiquam sine datis Sanitatis Vadiis permitteretur ingressus . Nec satis cautum existimans , non multò post cum externis , atque etiam finitimis Civitatibus commercia intercept , non tanti faciens commoda , & beneficia , quæ ex libero Mercaturæ commercio omnibus Civitatibus proveniunt , quanti publicam ~~populorum~~ salutem . ~~Insuper~~ quoque eodem tempore publicæ præces ad iram Supremi Numinis placandam , non intermissa quicquam editorum fidei , ac plena executione , nam ut vetus fert Adagium , *Dii facientes adiuvant* .

Tanta equidem diligentia ab initio adhibita , tanquam justo timori impar , apud quosdam non bene audiebat , dum adhuc sub Iudice lis esset , num Febris illa purpurata de Pestilentium prosapia censeretur ,

set, sed postea in dies ingravescente morbo, ac palam sævitiam suam prodente, tunc sat clavis indicium patuit, quanta & qualis esset Excelsi Senatus Veneti prudentia, & quàm salubria fuerint, quæ à tam altis Mentibus emanarunt decreta. Si enim ulla in re Plautinum illud monitum, *qui cavet ne decipiatur, vix cavet dum etiam cavet*, verum deprehenditur, maxime quidem in sola etiam Pestis suspitione.

Grande igitur & singulare est illorum beneficium, quibus datum est sub hoc Serenissimo Coelo Natales sortiri, ac vivere; hic enim felix ævum transigitur, hic placidos somnos captare licet, dum tot Excellentissimi Senatores, imò tanquam Patrii Indigetes ad publicam foelicitatem pervigilant. Jam satis fuimus experti, quàm facile, & quàm ~~exiguo~~ labore in tanto ac tam longo per totam Italiam armorum fremitu, Subditis suis pacem, & imperturbatam quietem, sibi que Auctoritatem integram servavit SERENISSIMUS SENATUS, armatus tamen, dum interim tota penè Italia gerneret convulsa, exteris militiis com meatu, stipendia, & quidquid ad magnos Exercitus alendos est necessarium, suppeditare coacta. Quòd si aliquibus locis Serenissimæ Ditionis ex transitu tot Copiarum,
incom-

incommodum aliquod ac damnum obvenit ,
 illud etiam quoquomodo pensavit magna
 vis auri à militibus in sui alimoniam , &
 in reficiendo commeatu diffusi . En modò
 quanta attentione , quanta animorum solli-
 citudine , novisque in dies meditationibus
 idem Senatus connititur , ne per eos , quos
 natura opposuit Montes aura ulla pestifera
 à locis infectis per aliquam secretam viam
 regiones has perflet , & inficiat .

Laborabat olim rubigali morbo , Dioge-
 ne Laertio referente , Agrigentinus Ager ,
 adeò ut fruges omnes media æstate à ven-
 tis quibusdam pestiferis è septentrionali
 plaga , afflatæ pessum irent , cui malo quo-
 modo posset obsisti prorsus ignorabatur ;
 quis enim modum norit contra ventos pu-
 gnandi ? Ast Empedocles Civium suorum
 malam sortem miseratus , quibus annonam
 pro victu suffurabantur venti , acri , quo
 pollebat ingenio facilè reperit remedium ,
 jussit enim ad Colles , & Montium vertices
 per quos flabant venti , utres , & anima-
 lium coria tanquam propugnacula admove-
 ri , quo remedii genere licet vili & abje-
 cto ; ventorum ferociam compescuit ac elu-
 sit , unde postea à prospero rei eventu
 Philosophus ille à suis Civibus Κωλυσάνεμα
 est dictus , h. e. ventorum frænator , ac
 Do-

domitor . Modò , memorando sanè exemplo , ad Alpes Rhætias , quæ Germaniam ab Italia determinant generosa sua Pectora opposuit Veneta Nobilitas , ut malum hoc quod nobis ab Aquilone imminet , arceat , ac repellat . Tam insignibus , ac piis Conatibus pro publica fospitate susceptis solus ille , qui omnibus unicus est , & idem Soter benignus aspiret .

F I N I S :

005262032